



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

Bwrdd Iechyd Prifysgol Betsi Cadwaladr (Gorllewin)

Meddyg Arbenigedd mewn **Wroleg**

YSBYTY GWYNEDD – BANGOR

1. Disgrifiad Swydd

- 1.1. Disgrifiad Swydd
- 1.2. Amserlen
- 1.3. Sesiynau Penodol

2. Bwrdd Iechyd Prifysgol Betsi Cadwaladr

- 2.1. Cefndir
- 2.2. Ysbytai, Clinigau a Chanolfannau Iechyd
- 2.3. Proffil Daearyddol a Phroffil Poblogaeth

3. Adran Gwasanaethau Wroleg

- 3.1 Wroleg
- 3.2 Staff Meddygon Ymgynghorol
- 3.3 Staff Gradd Iau
- 3.4 Cleifion Allanol
- 3.5 Theatrau a Gofal Dwys
- 3.6 Ehangu Wroleg ym Mangor
- 3.7 Gweithgareddau ôl-radd yr adran

4. Addysgu ac Ymchwil

- 4.1. Cyfleusterau Ôl-Raddio
- 4.2. Ymchwil

5. Crynodeb ac Ymholiadau Pellach

Manyleb Bersonol

1. Disgrifiad Swydd, Manyleb Personol a'r Cynllun Swydd

3.1 Disgrifiad Swydd.

Teitl y Swydd: Meddyg Arbenigedd mewn Wroleg

Nifer y sesiynau: 10 sesiwn (sy'n cynnwys ar-alwad)

Ymrwymiad ar alwad: 1:4

Lleoliad: Ysbyty Gwynedd, Bangor

Staff Presennol:

5 x Llawfeddyg Wroleg Ymgynghorol
1 x Arbenigwr Cyswllt
4 x Meddyg Arbenigedd (yn cynnwys y swydd hon)
2 x Llawfeddyg Iau dan Hyfforddiant
1 x Meddyg FY1
1 x Cynorthwydd Ffisigwr
4 x Nyrs Clinigol Arbenigol

Cefndir y Swydd

Mae'r Adran Wroleg wedi newid llawer yn ystod y blynyddoedd diwethaf fel rhan o'r rhaglen moderneiddio, a oedd yn cynnwys adeiladu Uned Wroleg bwrpasol. Mae'r Meddygon Ymgynghorol, Meddygon Iau, Cynorthwydd Ffisigwr, Nyrsys Arbenigol a'r Ysgrifenyddion Meddygol wedi'u lleoli yn yr Uned hon.

Mae'r Uned Wroleg yn cynnwys clinigau cleifion allanol adrannol, swî endosgopi ac ystafelloedd mân driniaethau ar gyfer wroddnameg (yn cynnwys fideo), seitosgopiau hyblyg ac uwchsain traws-refrol gyda biopsi. Mae gwasanaeth haematwria un stop ar waith yn ogystal â chlinig anhawster codiad a LUTS dan arweiniad nyrsys sydd wedi ennill ei blwyf. Darperir gwasanaeth lithotripsi symudol dwywaith bob mis, gyda sesiynau ychwanegol gan ddibynnu ar y galw.

Pwrpas y swydd

Bydd deilydd y swydd yn ymuno â thîm amlddisgyblaethol sy'n darparu'r rhan fwyaf o'r gwasanaethau wroleg i siroedd Gwynedd a Môn (gofal cleifion allanol a chleifion mewnol). Bydd deilydd y swydd yn rhan weithredol o ddarparu gwasanaethau wroleg i fyfyrion a batrymau newidiol o ddarparu gwasanaethau Wroleg yn unol â chanllawiau cenedlaethol.

Dyletswyddau a chyfrifoldebau.

Bydd deilydd y swydd yn atebol i'r Wrolegwyr Ymgynghorol. Bydd ganddo ddyletswyddau annibynnol fel y pennir yn briodol gan y meddyg ymgynghorol ac yn unol â phrofiad Wroleg blaenorol

- Darparu gwasanaeth yn yr arbenigedd gyda chydweithwyr i Fwrdd Iechyd Lleol Prifysgol Betsi Cadwaladr gyda chyfrifoldeb dros atal, rhoi diagnosis a thrin afiechydon, a swyddogaeth briodol yr adran.

- Cyfrifoldebau dros gyflawni dyletswyddau dysgu, arholi ac achrediad fel bo'r gofyn a chyfrannu at weithgaredd ôl-radd a pharhau gyda gweithgaredd meddygol yn lleol ac yn genedlaethol.
- Cymryd rhan mewn Archwiliad Clinigol.
- Bydd deilydd y swydd yn gyfrifol i'r Cyfarwyddwr Clinigol (Llawfeddygaeth) trwy'r Clinigwr Arweiniol mewn Wroleg. Bydd cyfrifoldeb o ddydd i ddydd at y Meddyg Ymgynghorol i'r hwn y mae'r Meddyg Arbenigedd yn gysylltiedig ar yr adeg benodol.
- Cyfleoedd sydd ar gael (yn ddibynnol ar brofiad);
 - Cymryd rhan mewn clinigau wroleg cyffredinol i gleifion allanol
 - Rheoli gwasanaethau gofal dydd un stop, yn bennaf y clinigau Haematwria, PSA a'r clinigau LUTS.
 - Meddu ar restr seitosgopi diagnostig annibynnol.
 - Cymryd rhan mewn Wrodynamic diagnostig gan ddibynnu ar brofiad.
 - Cymryd rhan yn y clinig anhawster codiad.
 - Darparu goruchwyliaeth glinigol o ddydd i ddydd i staff meddygol iau a staff nyrsio.
 - Ymwneud â'r Tîm Amlddisgyblaethol a chyfarfodydd clinigol eraill
 - Bydd disgwyl archwilio gweithgareddau clinigol, meddygaeth yn seiliedig ar dystiolaeth a chynnal llywodraethu clinigol.

Cyfleoedd

Bydd cyfleoedd ar gael i ddatblygu diddordebau clinigol arbennig. Byddwn yn annog deilydd y swydd i fynychu cyrsiau perthnasol a hyfforddiant mewnol. Mae trafodaethau ar waith ar hyn o bryd am gyswllt posibl â'r Brifysgol hefyd gyda'r nod o weithio at radd Meistr mewn Llawfeddygaeth.

1.2 Amserlen

I gynnwys 8.0 sesiwn yn ystod y dydd ar gyfartaledd gan gynnwys clinigau cleifion allanol, rowndiau ward, theatr, sesiynau arbenigol, archwilio/gweinyddu/CME. Bydd gofyn i ddeilydd y swydd fod yn yr ysbyty ar gyfer yr holl sesiynau SPA a dylai fod yn ymwneud yn weithredol mewn prosiectau archwilio ac ymarferion datblygiad personol eraill.

Gall meddygon mwy profiadol helpu gyda Llawfeddygaeth Canser Pelfig ond rhagwelir, gyda mwy o brofiad, y bydd pawb mewn sefyllfa i gymryd rhan mewn gweithgareddau clinigol.

Bydd yr unigolion a gaiff eu penodi yn cael Meddyg Ymgynghorol penodol fel eu goruchwyliwr. Bydd yr amserlenni ar gylchdro ac yn amrywio'n ddibynnol ar brofiad blaenorol, ond rhoddir esiamplau isod. Esiamlau'n unig yw'r rhain a gallant amrywio'n ddibynnol ar brofiad ac yn ddibynnol ar os yw'r sawl a gaiff ei benodi'n hapus i weithio mwy na'r sesiynau a ddynodir.

Esiaml o Swydd 1 (7.5 x Gweithgaredd a Raglennwyd)

Diwrnod	Dydd Llun	Dydd Mawrth	Dydd Mercher	Dydd Iau	Dydd Gwener
AM	OPD YG	SPA	MDT 10-11am /SPA	OPD YG	Theatr 10 YG
PM	Rhydd	OPD	Rhestr Seitosgopi Hyblyg - YG	Rhydd	Ward

Penwythnosau 1:4 heb fod yn breswyl gyda ar-alwad arfaethedig
Dyddiau'r Wythnos 1:4 heb fod yn breswyl gyda ar-alwad arfaethedig

1.3 Sesiynau Penodol
Gweithio rhaniad 7.5:2.5 rhwng gofal clinigol uniongyrchol a chefnogi gweithgareddau proffesiynol.

2. Bwrdd Iechyd Prifysgol Betsi Cadwaladr

2.1 Cefndir

Mae Bwrdd Iechyd Lleol Prifysgol Betsi Cadwaladr yncyfuno Ymddiriedolaeth GIG Gogledd Cymru (Dwyrain) ac Ymddiriedolaeth GIG Conwy a Sir Ddinbych (Canol), Ymddiriedolaeth GIG Gogledd Orllewin Cymru (Gorllewin), a’r chwe Bwrdd Iechyd Lleol - Ynys Môn, Conwy, Sir Ddinbych, Sir y Fflint, Gwynedd a Wrecsam.

Mae’r Bwrdd Iechyd newydd yn cynnwys Gogledd Cymru i gyd, o Wrecsam i lawr i Ddolgellau a Thywyn ac ar draws i Gorwen a Llangollen gan gynnwys gwasanaethau llym, cymunedol, seiciatreg oedolion, anableddau dysgu a seiciatreg fforensig.

Mae’r Bwrdd Iechyd yn cyflogi tua 18,000 aelod o staff ac mae ganddo gyllideb o oddeutu £1.1 biliwn. Mae’n cynnwys 3 Ysbyty Cyffredinol Dosbarth mawr yn Wrecsam, Y Rhyl a Bangor.

2.2 Ysbytai, Clinigau a Chanolfannau Iechyd

Darperir gwasanaethau ar hyn o bryd gan dri ar ddeg ysbyty, tair uned gwelyau cefnogi, rhwydwaith o glinigau iechyd cymuned a chanolfannau iechyd. Darperir gwasanaethau cymuned hefyd mewn ysgolion, yng nghartrefi cleifion a lleoliadau eraill yn y gymuned.

Darperir gwasanaethau llym ar gyfer y Gorllewin o Ysbyty Gwynedd ac Ysbyty Cyffredinol Llandudno (Uned Môn Anafiadau).

Ysbyty Gwynedd

Mae Ysbyty Gwynedd yn Ysbyty Cyffredinol Dosbarth yn ninas prifysgol Bangor. Mae’n darparu amrywiaeth gynhwysfawr o wasanaethau i boblogaeth Gwynedd, Ynys Môn a rhannau o Gonwy yn ardal Gogledd Orllewin Cymru. Mae’n darparu holl ddisgyblaethau Meddygaeth Gyffredinol a Llawfeddygaeth yn ogystal â’r holl is-arbenigeddau, gan gynnwys Damweiniau ac Achosion Brys, Uned Gofal Dwys, Uned Dibyniaeth Fawr Lawfeddygol a’r Uned Gofal Coronari.

Ysbyty Cyffredinol Llandudno

Mae Ysbyty Cyffredinol Llandudno yn ysbyty bach sy’n darparu gwelyau cymuned ac mae hefyd yn ganolfan ar gyfer gwasanaeth achosion dydd llawfeddygol dewisol yn y dref glan y môr ar

Arfordir Gogledd Cymru. Mae gan yr ysbyty Uned Mân Anafiadau 24-awr. Mae nifer o arbenigeddau, gan gynnwys gwasanaethau wroleg yn cynnal clinigau cleifion allanol yn yr ysbyty, gyda chefnogaeth gwasanaethau radiolegol. Mae Uned Adsefydlu ar gyfer cleifion Gofal yr Henoed a'r bwriad yw y bydd Llandudno'n darparu mwy o wasanaethau adsefydlu arbenigol.

2.3 Proffil Daearyddol a Phroffil Poblogaeth

Mae cyfanswm ardal Bwrdd Iechyd Prifysgol Betsi Cadwaladr oddeutu 127,000 milltir sgwâr, ble mae dros hanner ym Mharc Cenedlaethol Eryri. Mae'r arfordir yn ymestyn am tua 380 milltir. Mae 185,000 o bobl yn byw yn yr ardal naill ai mewn nifer o drefi bach neu ganolog eu maint ar hyd yr arfordir, neu mewn pentrefi, cymunedau llai a ffermydd yng nghefn gwlad.

O fewn Gogledd Orllewin Cymru, Caergybi, Bangor, Caernarfon a Ffestiniog yw'r prif gymunedau gyda phoblogaeth o fwy na 5,000 o bobl.

Mae'r rhan fwyaf o'r gwaith yn ymwneud â gwasanaethau cyhoeddus, ffermio a thwristiaeth gyda llawer llai o swyddi diwydiannol. Mae Gwynedd a Môn erioed wedi bod yn ardal dlawd yn economaidd, gyda llawer yn gadael yr ardal i gael gwaith ac yn ystod y blynyddoedd diwethaf mae llawer wedi dod i'r ardal i ymddeol. O ganlyniad, mae'n ardal sydd â chyfartaledd uwch o bobl ifanc iawn a hen iawn yn rhan o'r boblogaeth. Mae hyn yn arwyddocaol wrth benderfynu ar yr angen am ofal iechyd.

Ar gyfer y mwyafrif o'r boblogaeth, darperir gwasanaethau ysbyty llym gan yr Ysbyty Cyffredinol ym Mangor, er bod cleifion yn y de ddwyrain yn ystyried Wrecsam fel eu hysbyty llym ac mae'r bobl yn y de yn troi at Aberystwyth am eu gofal hysbyty llym.

Darperir ystod eang o wasanaethau cymuned o safon uchel. Mae rhwydwaith o ysbytai cymuned a darperir gofal a thriniaeth mewn gwahanol glinigau.

3. Adran Wroleg

3.1 Wroleg

Mae'r Gwasanaeth Llym yn cael ei redeg gan 5 Meddyg Ymgynghorol ac yn cynnig ystod o ddewisiadau gofal wroleg.

Darperir y gwasanaethau Wroleg canlynol:

- Mynediad at yr Uned Derbyn ar yr un Diwrnod a'r Uned Gwelyau Dydd, Ysbyty Gwynedd
- Gwelyau Wroleg yn Ysbyty Gwynedd
- Clinig cyn-asesu
- Clinigau Wroleg i Gleifion Allanol
- Llawfeddygaeth Cerrig (PCNL a Laser)
- TUR Monopolar a'r posibilrwydd am HoLEP
- Wrodynameg (yn cynnwys fideo)
- Clinigau anhawster codiad
- ESWL Symudol - o fewn yr Uned Wroleg

Yn ychwanegol at yr uchod bydd Gwasanaethau Oncoleg Wroleg Arbenigol, yn cynnwys prostatectomi radical drwy gymorth laparosgopig a cystectomi, yn cael eu datblygu ynghyd â llawfeddygaeth drwy gymorth robot.

3.2 Staff Meddygon Ymgynghorol

Mae 5 Meddyg Ymgynghorol ar gyfer Wroleg sy'n gweithio â thîm dynodedig o feddygon iau gyda gwaith tîm a chyflenwad trawsgroesiad. Mae Arbenigwr Cyswllt hefyd (sy'n gweithredu fel Meddyg Ymgynghorol Locwm ar hyn o bryd). Mae'r Wrolegwyr Ymgynghorol yn gwneud rota ar-alwad 1 wythnos mewn 4.

3.3 Staff Iau

Mae'r gwasanaeth Wroleg yn cynnwys 4 Meddyg Gradd Ganol, 2 Meddyg Iau dan Hyfforddiant (FY2 / Hyfforddeion Craidd) a 1 Meddyg Sylfaen Blwyddyn 1 (FY1) a Chynorthwydd Ffisigwr. Mae'r meddygon dan hyfforddiant a'r meddygon FY1 hefyd yn cymryd rhan yn y rota ar-alwad llawfeddygol cyffredinol ond mae meddygon arbenigedd wroleg ond yn cyflenwi ar gyfer wroleg (y swydd hon).

3.4 Cleifion Allanol

Cynhelir sesiynau cleifion allanol ar gyfer gwasanaethau Wroleg yn Ysbyty Gwynedd (Uned Wroleg) ac Ysbyty Cyffredinol Llandudno, a gall meddygon gradd SAS gymryd rhan gan ddibynnu ar brofiad.

3.5 Theatrau a Gofal Dwys

Mae 13 Theatr Lawfeddygol yn Ysbyty Gwynedd. Caiff un ei gadw ar gyfer llawdriniaethau brys (yn cynnwys Wroleg), caiff dwy eu cadw ar gyfer Llawfeddygaeth Ddydd ac un ar gyfer llawfeddygaeth Obstetrig ac Offthalmoleg ddewisol. Mae Theatr bwrpasol ar gyfer Wroleg.

3.6 Wroleg ym Mangor

Ar hyn o bryd mae gan yr Uned Lawfeddygaeth Ddydd ac Endosgopi 2 theatr ddydd, 3 ystafell endosgopi a llety ar gyfer o leiaf 30 o gleifion. Mae rhai triniaethau llawfeddygol dydd ac wroleg diagnostig yn cael eu gwneud yn yr ardal hon, er hynny, mae'r mwyafrif o achosion felly yn cael eu gwneud mewn uned wroleg sydd wedi'i adeiladu'n bwrpasol.

Mae'r adran yn cael budd o wasanaethau gwyb yr adran radioleg. Mae tri o'r radiolegwyr yn gweithio'n agos gyda'r Tîm Wroleg ac mae ganddynt ddiddordeb mewn wroleg ymyriadol, gan helpu gyda mynediad drwy'r croen. Yn ddiweddar mae'r adran wedi mewnosod swît ymyriadol o'r radd flaenaf.

Mae adran neffroleg/ uned dialysis ar y safle hefyd.

3.7 Gweithgareddau ôl-radd yr adran

Cynhelir cyfarfodydd ôl-radd yn rheolaidd yn yr adran ac mewn cylchdro gydag Ysbyty Glan Clwyd ac Ysbyty Maelor Wrecsam ar ddyddiau archwilio BIPBC penodedig. Mae'r cyfarfodydd hyn yn cynnwys cyflwyniad clinigol ac adolygiad o lenyddiaeth. Mae MDT canser yn digwydd yng Nghanolfan Canser Gogledd Cymru bob wythnos ac mae cyfleusterau fideo gynadleda ar gael ar gyfer hyn yn yr Uned Wroleg.

4 Addysgu ac Ymchwilio

4.1 Cyfleusterau ôl-raddio

Mae'r ganolfan addysg amlddisgyblaethol yn Ysbyty Gwynedd yn cynnwys theatr ddarlithio fodern, ystafelloedd seminar a llyfrgell feddygol ble mae dau lyfrgellydd llawn amser. Mae gan y llyfrgell gyfleusterau chwilio am lenyddiaeth ar-lein (Data-star, Berne) ac mae wedi'i rhwydweithio ag Ysbyty Prifysgol Cymru, Sefydliad Meddygol Lerpwl a Llyfrgell Fenthyg Brydeinig ymhlith eraill. Mae'r adran yn darparu llawer o gymhorthion clyweled ac mae'n adeiladu llyfrgell hyfforddi tâp-fideo. Ail-agorodd yr adran yn ddiweddar ar ôl cael ei huwchraddio a'i hailwampio'n sylweddol.

Cynhelir cyfarfodydd/cyrsiau ôl-radd ar y mwyafrif o ddyddiau. Mae rhaglen lawn o ddarlithoedd gyda'r nos yn ystod y gaeaf. Cynhelir Rownd Fawr bob amser cinio dydd Gwener.

Ers mis Medi 2004, mae'r ysbyty'n cymryd nifer o israddedigion blynyddoedd 3, 4 a 5 yn sgil datblygu Ysgol Glinigol Gogledd Cymru ar gyfer Coleg Meddygaeth Caerdydd.

Mae trafodaethau ar waith ar hyn o bryd am gyswllt posibl â'r Brifysgol gyda'r nod o weithio at radd Meistr mewn Llawfeddygaeth.

4.2 Ymchwil

Mae Ysbyty Gwynedd yn Ysbyty Cyffredinol Dosbarth gyda chorff mawr o ddeunyddiau clinigol addas ar gyfer ymchwil clinigol. Bydd cyfrifiaduron yn cael eu defnyddio yn yr adrannau clinigol i greu Cronfa Ddata barod, ac mewn lleoliad delfrydol i hyfforddai uwch eu defnyddio.

Mae Bwrdd Iechyd Lleol Prifysgol Betsi Cadwaladr yn cefnogi pwyllgor ymchwil lleol ac mae ganddo gysylltiadau ardderchog â Phrifysgol Bangor. Gall ganiatáu arian ar gyfer projectau. Cafodd y cyfleuster hwn ei ddefnyddio gan hyfforddai uwch mewn arbenigeddau eraill eisoes ym Mangor. Mae cyngor ystadegol ar gael trwy drefniant sefydlog gydag Adran Ystadegau'r Brifysgol. Mae adrannau eraill yn gallu cynnig cyngor mewn meysydd fel Electroneg; Peirianeg; Biocemeg; Gwasanaethau Cymdeithasol a Seicoleg. Rhoddwyd anogaeth arbennig yn y gorffennol i brosiectau ymchwil ar y cyd.

5. Crynodeb ac Ymholiadau Pellach

Lleolir yr un a benodir yn Ysbyty Gwynedd (DGH), Bangor.

Bydd contract y swydd yn unol â'r Contract SAS, Telerau ac Amodau Gwasanaeth Cenedlaethol Staff Meddygol a Deintyddol Ysbyty ac Amodau Gwasanaeth Cyngor Cyffredinol Whitley.

Mae Bwrdd Iechyd Lleol Prifysgol Betsi Cadwaladr yn Gyflogwr Cyfle Cyfartal. Mae Bwrdd Iechyd Prifysgol Betsi Cadwaladr yn sefydliad di-fwg sy'n cynnwys ei holl adeiladau a'i thiroedd gan gynnwys preswylfeydd.

Dylid cyfeirio ymholiadau penodol am y swydd at Mr K Alexandrou, Wrolegydd Ymgynghorol ar 01248 384752

Manyleb Bersonol

Meini Prawf	Lleiafswm Gofynion		
	Hanfodol	Dymunol	Dull Mesur
Cyflwyniad	Cwrtais		Cyfweliad
Hyfforddiant a Profiad	- Gallu darparu hanes cyflogaeth cyflawn 36 mis mewn llawfeddygaeth heb gynnwys modiwlau sylfaen y mae 2 flynedd wedi bod mewn wroleg	Profiad Wrolegol blaenorol ar radd meddyg arbenigedd	- CV - Cyfweliad - Geirdaon
Gwybodaeth/ Cymhwyster	- Cofrestriad llawn â'r GMC - FRCS (Wroleg) neu gymhwyster ar lefel gyfwerth (h.y cymhwyster uwch llawfeddygol wroleg priodol) - Bodloni rheoliadau mewnfudo DU/EEA neu'n gymwys am drwydded gwaith	- Cwblhad boddhaol o raglen hyfforddiant Wroleg cydnabyddedig - Cymhwyster Wroleg Ôl-raddedig - Profiad o reoli problemau dewisol a llym Wroleg rheolaidd gan gynnwys rhywfaint o gysylltiad â materion brys paediatreg - Gwybodaeth gyfredol o ymyrraeth a thriniaethau Wroleg - Profiad o weithio mewn tîm amlddisgyblaethol	- CV - Cyfweliad - GMC a Gwiriad Cymhwyster
Sgiliau Sylfaenol a Galluoedd	- Triniaethau meddygol cyffredinol a sgiliau priodol i'r radd - Goruchwyllo a dysgu meddygon iau a staff nyrsio		- CV - Cyfweliad

	Gallu ysgrifennu nodiadau/ hanes clir a chryno		
Rhinweddau Personol	- Sgiliau rhyngpersonol da - Cyfathrebu'n dda gyda'r holl staff - Gweithiwr tîm da - Gallu gweithio ar eich liwt eich hun - Sgiliau cyflwyno da - Galluedd mewn Seitosgopi - Galluedd mewn llawfeddygaeth fân ceillgydol a phidynol - Galluedd mewn llawfeddygaeth wroleg endosgopig sylfaenol	- Profiad o lawdriniaethau endowrolegol safonol - Profiad mewn Wroleg Laparosgopig - Galluedd mewn Wrodynameg - Galluedd mewn biopsi y prostad ac Uwchsain Trawsrefrol	- CV - Cyfweliad
Gofynion Perthnasol Eraill	- Gallu i addasu a delio ag amgylchiadau cyfnewidiol - Gallu ymdopi mewn amgylchedd dan bwysau - Yn ymwybodol o'ch cyfyngiadau o ran eich cymhwysedd a'ch gallu eich hun - Hyblygrwydd	- Siaradwr Cymraeg sylfaenol - Perchennog/ Gyrrwr car oherwydd daearyddiaeth y Bwrdd Iechyd	- CV - Cyfweliad

Dyddiad a ddiweddarwyd Ebrill 2024

Awdur: Mr K Alexandrou, Wrolegydd Ymgyngho

